

Savaateqarfinnik pilersitsinernut tapiissuteqartarneq pillugu Namminersornerullutik Oqartussat nalunaarutaat

Savaateqarneq pillugu Inatsisartut inatsisaat nr. 1, 21. april 1988-imeersoq Inatsisartut inatsisaatigut nr. 8-kkut 13. maj 1993-imeersukkut allanngortinneqartoq naapertorlugu aalajangersarneqarpoq:

§ 1. Savaatilinngorlaanut tapersiissutitut savaateqarfiornerup nalaani tapiissuteqartoqarsinnaavoq.

Imm. 2. Savaateqarfimmut ataatsimut savaateqarfiornermut imaluunniit savaateqarfilioqqinnermut ataatsimut ataasiaannarluni taamaallaat tapiissuteqartoqarsinnaavoq.

Imm. 3. Tapiissutit sivisunerpaamik ukiut pingasut ingerlanerini akiliutigineqartassapput.

§ 2. Inuit savaateqarneq pillugu inatsimmi piumasaqaatinik naammassinnissimasut tapiiffigineqarnissamik qinnuteqaateqarsinnaapput,

1) savaateqarfik nutaaruinnaq tunngavianiit aallartittariaqassagunikku imaluunniit

2) savaateqarfik imatut piissusilik tigusimagunikku savaateqarneq imminut akilersinnaasunngortinniarlugu tunngavianiit savaateqarfilioqqittariaqarlutik.

Imm. 2. Qinnuteqaat, Savaatillit Peqatigiit Suleqatigiissunit uppernarsarlugu atsiorneqarsimasoq, naalakkersuisunut aamma kommunimut savaateqarfiup inissismaffigisaanut nassiunneqassaaq.

§ 3. Naalakkersuisut Savaatillit Peqatigiit Suleqatigiissut aamma "Savaatillit Siunnersorteqarfiat" isumasioreerlugit tapiissuteqartoqarnissaanik aalajangiissapput. Naalakkersuisut aalajangiiniarnerminni ilaatigut pingartissinnaavaat

1) savaateqarneq tapiiffigineqartussap siunissami pi- ngaarnerutillugu inuussutissarsiutigissagaa.

Tamatuma nalilerneqarnerani savaateqarfiup angissusia tunngavigineqassaaq,

2) maskiinat atortut, narsaatit neriniartitsisarffillu aamma savaatit imminnut naapertuuttumik annertussuseqarnissaat,

3) narsaatit pilersinneqareersinnagit imaluunniit pilersetqinnejareersinnagit ivikkanillu nerukkaatissat siullit pigineqalereersinnagit savaateqartoqalissanganngitsoq taakkuluunniit amerlisinneqassanganngitsut,

4) savaatillip ingerlatsinermut illuutit ungallullu sanareersimanngippagit imaluunniit iluarsaatereersimanngippagit savaateqartoqalissanganngitsoq imaluunniit taakku amerlisinneqassanganngitsut aamma

5) savaateqarfiorneq pilersaarutigineqartutut ingerlanneqassasoq.

Imm. 2. Naalakkersuisut ataasiakkaanut tunngatillugu tunngavilersuutit naleqquttut allat pingarnerutissinnaavaat.

§ 4. Tapiissutit amerlassusissaat akiliutigineqartussallu aveqatigiinnissaat kommunip pineqartup Naalakkersuisullu akornanni isumaqatigiissutigineqassapput.

§ 5. Naalakkersuisut kommuni pineqartoq aamma Savaatillit Peqatigiit Suleqatigiissut isumasioqatigeriarlugit aalajangiisinnapput, tapiissutit akiliutigineqartarnerat unitsinnejassaaq
1) tapiiffingineqartartup savaateqarneq pillugu inatsimmi aalajangersakkat unioqqutissimassappagit imaluunniit
2) nalunaarut manna malillugu tapiiffingineqartartup tapiissutinik pisarnissaminut piumasaqaataasut naammassisinnaajunnaarsimappagit imaluunniit
3) tapiiffingineqartartoq eqqunngitsunik imaluunniit paatsoorneqarsinnaasunik paasissutissiisimappat imaluunniit tapiiffingineqarnissamut paasissutissanik pingaarutilinnik nipangiussisimappat.

Imm. 2. Immikkoortoq 1-imi nr. 1 aamma 3 malillugit tapiissuteqartoqartarunnaarpot Naalakkersuisut kommuni najugarineqartoq aamma Savaatillit Peqatigiit Suleqatigiissut isumasioqatigeriarlugit aalajangiisinnapput tapiissutigineqarsimasut utertillugit akilersinnejassasut.

§ 6. Nalunaarut manna atuutilerpoq 10. august 1993.

Namminersornerullutik Oqartussat, ulloq 8. august 1993.

Hans Iversen

/

Henrik Leth

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

